

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126133](#)

191

IN DIE FESTO MATTHIÆ APOSTOLI.

Evangelium Matth. II. v. 25. -- 30.

EXORDIUM.

Jeremias olim à Deo iussus est descendere in domum figuli, & ibi audire verbum ejus. Cumque descendisset in domum figuli, ecce, ipse faciebat opus super rotam. Et dissipatum est vas, quod ipse faciebat è luto, manibus suis, conversusque, fecit illud vas alterum, sicut placuerat in oculis ejus, ut facheret. Et factum est verbum Domini ad Prophetam, dicentis: Nunquid sicut figulus iste, non potero vobis facere, domus Israel? ait Dominus: Ecce, sicut lutum in manu figuli; sic vos in manu mea, domus Israel, Jer. 18. v. 16.

Ex hac historia intelligimus, quod Deus se figulo, nos homines verò vasi, sive luto comparer. Quemadmodum igitur figulo non omnia vasa ex voto elaborantur, sed unum atque alterum disperit: Idipsum Deo quoque evenit. Licet enim hominem fecerit exterminabilem, & ad imaginem similitudinis suæ, Sap. 2. vers. 23. attamen ille sub manu ejus degeneravit, dum insidiis Satanæ circumventus, in peccata prolapsus, hoc ipso imaginem Dei, cum omni concreata justitia & sanctitate deperdidit, ut, sicut antè lapsum imaginem cœlestis gerebat, sic nunc imaginem terreni gerat, 1. Cor. 15. v. 49. quamvis & ipsi miseri-

cordia Dei, ex misera hac corruptione, per resurrectionem Iesu Christi ex mortuis, in spem vivam regenerati simus, 1. Petr. 1. vers. 3.

Vas abortivum fuit Judas Ischariotes, quem quidem Servator in numerum duodecim Apostolorum assumerat: verum degeneravit ille in Diabolum. Postquam enim Christum prodiderat, suspensus crepuit medius, & diffusa sunt omnia viscera ejus, Act. 1. v. 18.

Ejus loco DEUS aliud vas sibi fecit, nempe Matthiam. Juda enim suspenso, Apostoli statuerunt duos, Joseph qui vocabatur Barsabas, qui cognominatus est justus, & Matthiam, & orantes dixerunt: Tu Domine, qui corda nostri omnium, ostende, quem elegeris ex his duobus, unum, accipere locum Ministerii hujus, & Apostolatus, de quo prævaricatus est Judas, ut abiret in locum suum. Et dederunt sorte sejus, & cecidit fors super Matthiam, & annumeratus est cum undecim Apostolis, cuius festum hodie celebramus.

Nos Instituti nostri memores, videbimus

I. *Triplacem Quærelam.*

II. *Triplacem Medelam.*

III. *Triplacem Cautelam.*

J. J.